

**Najib Terima Kunjungan Hormat Senator McCain Dan Senator Lieberman  
Bernama  
30 Mei, 2012**

PUTRAJAYA, 30 Mei (Bernama) - Perdana Menteri Datuk Seri Najib Tun Razak Rabu menerima kunjungan hormat daripada Senator John McCain dan Senator Joseph Lieberman di pejabatnya di Bangunan Perdana Putra di sini.

Kedua-dua senator itu diiringi Duta Khas ke Amerika Syarikat Datuk Seri Jamaludin Jarjis dan Duta Amerika Syarikat ke Malaysia Datuk Paul W. Jones.

Kemudian, McCain dari Arizona dan Lieberman dari Connecticut juga melakukan kunjungan hormat ke atas Menteri Luar Datuk Seri Anifah Aman di Wisma Putra di sini.

Kedua-dua mereka berada di Malaysia bagi lawatan mulai hari ini hingga 1 Jun. Mereka dijemput oleh Majlis Perniagaan Malaysia untuk menghadiri Persidangan Invest Malaysia 2012 yang dilancarkan perdana menteri semalam.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=669737>